

JAVNA USTANOVA KAMERNI TEATAR 55 SARAJEVO

Broj:  
Sarajevo, 27.11.2023. godina

LISTA OBLASTI IZ KOJE ĆE SE POLAGATI AUDICIJA

RADNO MJESTO: GLUMAC III – 2 (dva) izvršioca

OBLASTI:

- a) zadani monolog
  - ženski monolog: Molijer, Škola za žene, Anjesa
  - muški monolog: Molijer, Tvrđica, Harpagon
- b) monolog po izboru kandidata
- c) recitacija po izboru kandidata.

Materijal pod tačkom a) zadani monolog, nalazi se u prilogu ove Liste oblasti.

Članovi Komisije  
Gordana Boban,  
Vanesa Glodžo,  
Maja Izetbegović,  
Muhamed Hadžović,

Predsjednik Komisije  
Tatjana Šojić,

## Molijer, Škola za žene, ANJESA

Dok sam na balkonu vezla na svježini, spazih pod drvećem, ovim, u blizini, stasitog mladića koji mi se javi... i naklonom smjernim odmah me pozdravi. Pa da ne bih možda neučtiva bila, naklonom sam i ja njemu odvrtila. Sa njegove strane novi naklon dode... A i ja se njemu poklonih takođe. Kad on stiže do tri naklona uslužna, ni za jedan ja mu ne ostadoh dužna. Šetkao je dugo tu ispod balkona i nikad ne prođe bez novog naklona. A ja sa balkona, gledajući sve to, uvijek sam mu naklon odvrćala. Eto... tako je sve bilo. Da noć nije pala, ja bih se i dalje sve njemu klanjala. Samo da pokažem da sam smjerna žena, da od njega nisam manje uglađena.

Sutradan, stara žena neka, kod vrata me sreća. Poče izdaleka: "Drago moje dijete, budite mi zdravi, nek ljepota vaša još dugo se slavi. Vi morate znati da ste srce jedno ranili do krvi, smrtno, nepoštedno... Ja da ranim nekog! - viknuh začuđena. "Da!" , reče mi stara, "to je ličnost ona što je juče ovdje vidjeste s balkona." Avaj. Možda nešto, ako ste u pravu, slučajno ispustih na njegovu glavu! "Ne!" , reče mi. "Sve je to zbog očiju tih. Nesreća njegova dolazi od njih." Bože rekoh, zar su moje oči zlobne da ljudima nose nesreće zlokobne? "Jesu!" , reče ona. "U njima se krije jedan otrov, kćeri, što vam poznat nije. Mladić je pri kraju, samo što ne svene.", čula sam od ove milosrdne žene. "I ako u vama tvrdo srce bije, pa da pomoć njemu uskrati, odbije, on će u grob." Bože! Strašno mi je, kažem. A šta traži da mu u pomoć pritekнем? "U posjetu želi da dođe ovamo i da s vama malo razgovara samo. Vaše oči njemu produžice vijek. Naniješ mu boljku, sad nek budu lijek." Vrlo rado, rekoh, ako ste to htjeli. Neka dođe meni kad god on zaželi. On dođe... I odmah ozdravi! Naravno! Recite, jesam li radila ispravno. Zar sam mogla tako, zbog savjesti svoje, da pustim da umre bez pomoći moje. Tuđe patnje uvijek teške su mi bile. Plačem kad vidim da umire pile.

## **Molijer, Tvrđica, HARPAGON**

Držite lopova! Držite lopova! Ubice! Razbojnici! Pravdo, nebeska pravdo! Propao sam, ubili su me, zaklali su me, ukrali su mi novac. Ko to može biti? Šta je s njim? Gdje je? Gdje se sakrio? Kako da ga pronađem? Kud treba da trčim? Kud da ne trčim? Da nije tamo? Da nije ovdje? Ko je to? Stoj! (Zgrabi sebe za ruku.) Vрати mi novac, huljo jedna... Ah, to sam ja!... Šenuo sam, ne znam ni gdje sam, ni ko sam, ni šta radim. Ah, moje blago, jadno moje blago, prijatelju moj dragi, oteše te od mene, a bez tebe nema mi pomoći, ni utjehe, ni radosti. Svršeno je sa mnom. Šta ću sad na ovom svijetu? Nema mi života bez tebe. Svršeno je, ne mogu više da izdržim, umirem, mrtav sam, zakopan sam. Zar nema nikoga da me oživi, da mi vrati moje milo blago, ili da mi kaže ko ga je uzeo? Šta kažete? Nije niko. Ma ko da je izvršio to djelo, taj je morao dobro vrebati čas, i baš je onda ugrabio priliku kad sam ja razgovarao sa svojim nevaljalim sinom. Hajdemo. Idem da se tužim, pa neka se stave na muke svi ukućani: služavke, sluge, sin, kćerka, pa i ja. Šta je svijeta! Svako mi je sumnjiv u koga pogledam, i čini mi se da me je on pokrao. Ej, o čemu to razgovarate? O onome koji me je pokrao? Kakva je to graja tamo? Jel to moj lopov? Smilujte se, ako znate nešto o kradljivcu, kažite mi, molim vas. Da se nije sakrio među vama? Svi gledaju u mene i smiju se. Vidjećete da su i oni bez sumnje učestvovali u krađi. Brzo, komesare, pandure, žandare, sudije, muke, vješala, dželate. Tražiću da se povješa cio svijet, a ako ne nađem svoj novac, onda ću se objesiti i sam.